

PROMER STRIKE GRANDI NA ARUBA


ORANJESTAD(AAN)-! Ariba diana 3, 4, 5 y 6 di Augustus 1951 Aruba a conoce su promer strike grandi na Lago. Aki e trahadoman a hiba un lucha duro y sin apoyo di afor contra e compania mas grandi ariba e isla cu tur su coneccionnan internacional, recursonan financiero casi ilimita, cu un opinion publico nan nan fabor, politiconan para na un banda, un cuerpo policial arma cu bayonet y ademas cu un prensa y gobierno colonial na nan favor.

E trahadoman no tabata sin-

dicalisa pero si tabata existi un union fuerte, y apesar cu nan tabata sa cu ta prohibi pa strike a haci esaki toch.

Nan a exige 54% di aumento y na final a logra 30%. Varios di e lidernan di accion aki a worde kita for di trabao especialmente esnan stranhero, uno di nan tabata tata di e difunto promer Ministro di Grenada, Sr. Maurice Bishop.

E aña aki tambe dia di obrero a worde celebra pa promer vez ariba nos isla. Algun aña despues a keda funda Petroleum Workers Federation of Aruba cu apoyo di American



Federation of Labour, y cu den curso di tempo a bin ta reemplasa e Lago Employees Council como berdadero defensor di interesnan di e trahadoman.

Na 1961 lidernan joven de L.E.C. ta funda Independent

Oil Workers Union of Aruba y L.E.C. ta stop di existi. Tambe P.W.F.A. ta stop di existi despues di a perde un referendum contra I.O.W.U.A.

E ultimo aki a demostra di ta un organizacion bon organiza

y cu a canta diferente welganen tambe di cual quizas e mas recorda ta esun di 6 siman na aña 1984.

Pues nos ta mira cu ariba e tereno di Lago basenan solido a worde poni pa e sindicalismo local.